


**A C T A**  
**A P O S T O L I C A E   S E D I S**

**COMMENTARIUM OFFICIALE**

**ANNUS XXVI - SERIES II - VOL. I**



**ROMAE**  
**TYPIS POLYGLOTTIS VATICANIS**

**M • DCCCC • XXXIV**

## CONSTITUTIO APOSTOLICA

### URBIS

DE PAROECIARUM S. CRUCIS IN VIA FLAMINIA ET S. FRANCISCI IN MONTE MALO DISMEMBRATIONE AC DE NOVAE « PRAECELSAE DEI MATRIS » PAROECIAE ERECTIONE.

PIUS EPISCOPUS  
SERVUS SERVORUM DEI  
AD PERPETUAM REC MEMORIAM

Quo pereirnius exstaret monumentum sollemnissimae quintidecimi expleti saeculi a proclamato B. Mariae Virginis Maternitatis dogmate celebrationis, quae biennio ante per universum catholicum orbem, in hac potissimum Urbe Nostra, rehgiosissime peracta est, Nos et triumphalem arcum in Patriarchali Basilica Liberiana, a sancto Xysto tertio, Decessore Nostro, splendido musivo opere ornatum, temporis iniuria fatiscentem, instaurandum curavimus, **et novum volumus aedificari templum in honorem praecelsae Dei Genitricis dicandum illudque ad Milvii pontis caput, in viae Cassiae initio,** circa quam plura iam civium millia suum fixerunt domicilium, exstrui peropportunum duximus. Nunc autem, expleta iam magnificentissimi quidem templi fabrica, cum regio illa nimius distare videretur a paroecialibus finitimis ecclesiis, ad spiritualia subsidia christifidelibus ibi degentibus aptius procuranda, novam ac distinctam illic paroeciam constituere decrevimus. Quapropter, collatis cum dilecto filio Nostro Francisco titulo S. Mariae Novae S. B. E. Presbytero Cardinale Marchetti Selvaggiani, Nostro in Urbe generali in spiritualibus Vicario, consiliis, suppleto, quatenus opus sit, quorum interest, vel eorum qui sua interesse praesumant consensu, a paroeciarum S. Crucis in via Flaminia et S. Francisci in Monte Malo territorio partem seiungimus ac separamus, ab ipso Cardinale Vicario definiendam, eamque in novam supra Nostra auctoritate **erigimus paroeciam Praecelsae Dei Matris nuncupandam et cleri saecularis curis committendam.** Ecclesiam vero paroecialem novae huius paroeciae quod supra diximus templum constituimus, cui propterea eiusque pro tempore parochis omnia concedimus iura, privilegia et praerogativas, quibus ceterae paroeciales Urbis ecclesiae earumque curiones iure communi vel legitima consuetudine fruuntur et gaudent, eisque pariter onera omnia et obligationes imponimus, quibus Urbis paroeciae et parochi

